

續友聲集總目

繡水王襲之甘岩輯

弟禹疇
頤正校字

陸從星

春堂宿遷人

小雲液草一卷

張偉庚

珠南原名浦

白雲軒存稿四卷

錢正吉

槌坡原名侍辰

棣華軒存稿一卷

張 榆

南雲江都人

醒庵存稿二卷

于文潯

靜思燕南人

石香存稿一卷

袁 嘉

柔吉錢塘女史

湘痕閣存稿一卷

小雲液草

宿遷陸從星春堂著

見雁



涼風起天末又見雁南行戾空流遠音哀厲而彌長故
國多樂土何爲去他鄉迫促有網羅豈曰謀稻梁感物
契中情中情悲以傷恨無鵬風翼及爾同翱翔

懷王惜庵

百花新詠墨留痕風雨聯牀樂事存淮浦雲深迷旅客
桃源地僻卽仙村關心獨在千秋業嗜古能參衆妙門
一語更思君記取梅花香裏倒芳尊

小雲液草

招達厚庵

麟

小飲

身事浮沉久無方返客鞍愁中增閱歷味外辨鹹酸但
覺人情厚何虞世路難交遊忻契合珍重舊詞壇
莫道風塵老先鞭望祖生名因盤錯顯學與歲時更握
手千秋在開門一笑迎聊將雞黍具細話別離情

步厚庵春日偶成韻

幾番花信太匆匆孤負韶華到眼中旅邸愁添明月夜
草堂閒煞綠楊風朦朧有夢驚春鳥冷暖無心問夏蟲
鍵戶未能酬夙願更於何處卜窮通

飽歷風塵已悔一時之訛謬幾經盤錯更憐三徑

之荒蕪無限躊躇恍榮夢寐因得青郊帶雨遠
生春之句足而成之聊以誌感

謀生計拙悔風塵井里頻驚物候新紅杏倚雲遙入夢
青郊帶雨遠生春耦耕父老添經歷手植桑麻倍苦辛
漫道升沉應已定由來成敗總因人

和郝崑圃買菊揚州元韻

烟花過眼記難真籬下惟餘太古春肯使霜容三徑老
買來秋色一肩新司勳舊醒繁華夢陶令原甘淡泊身
莫訝相逢已遲暮留渠晚節証前因

題盛小雲嘯雨山房詩後

小雲液草

二

淮浦趨庭日城南結社新錦囊籠秀句玉樹想丰神過
從忘形跡招尋迭主賓無端回首處嘉會已成陳

竟使言爲讖傷心畫不成

君悼亡有一片傷心畫不成之句

離鸞初罷

操賦鵬已吞聲誰解回生術能寬望遠情西河餘白髮
涕淚獨交橫

感懷

莫恨南來五兩風看天誰與計窮通久拚精衛填滄海
且把長楊繫斷蓬小草迎春連野綠殘霞散綺徹天紅
須知世事如棋局得失何妨學塞翁

送秋

侵秋黃菊獨留香極目蒼茫客路長紫塞歸雲千陣馬
寒城曉角一天霜風塵未許山河阻浩落難尋去住方
擬築茅檐多種柳記曾相識讀書堂

焦桐

太息中郎後龍門空自哀等閒歸爨火誰復識琴材慷
慨發清響撫摩餘劫灰平生知己感對爾一低回

蠹簡

已惹儒生論况經此物傷零星尋姓氏約略考行藏慮
有好回幸恐銷潛德光能仙凡幾見斯語亦荒唐

廢檠

小雲液草

三

長短規模在當年伴苦吟論功曾繼晷對語尙知心風
雨前番暗恩膏舊日深求新身有代莫自怨浮沉

塵鏡

本具清明體其如障蔽何欲求無俗累端自惜心磨月
淨雲流影潭澄藻漾波從茲勤淬勵寶鑑詎殊科

舊劍

上將功成後相攜返故林英雄脾月感生死友朋心孤
嘯三邊靜寒芒四壁沉酒酣懷往事撫拭發長吟

短歌酬嚴雲鋤

鐸

聚首忽分襟動似商與參將離未離前致辭一言然諾

千黃金間關枝頭懷好音相期把臂入芳林憶昔李白
留別吟汪淪情比潭水深情摯無煩論古今古今之人
有同心桃花爛熳色如灼知君能踐十年約

春柳

嫩綠初成色依依便可人於梅稱後進呼爲勝前身解
舞腰肢瘦爲容翠黛勻涉園觀物化生意日津津

憶雲香小憩

記訪招提境相逢若故知雲香留小憩淮水繫深思囊
貯驚人句鐘鳴得意時東遊曾有約

卽席有游雲台之約

海上共

探奇

小雲液草

四

維揚夜泊

鴉噪斜陽繞樹林蕪城夜泊繫情深二分月色仍如舊
廿四橋頭可似今人事繁華懷往事天心剝復本無心
銜盃莫動興亡感瑩苑雷塘不可尋

翠微亭

蒼翠一亭古我來夕影西衣霑嵐氣溼樹隱鳥聲齊雲
水遙疑合人家近覺低崎嶇行不易結伴好相攜

莫愁湖

樓中人已去堂堂樓外平湖落日黃一代功臣傳國史
六朝山色接天光棋枰鐘鼎同遺韻兒女英雄各擅場

到底難爭童孺口稱名不及美人香

寄嚴雲鉤

金風幾度報清秋秋思撩人動別愁我竟無端羅葛尾
君偏有累逐蠅頭棲身久笑營三窟借箸須煩措一籌
遠贈飴餒知有意分甘時已寓分憂

秋霽登日觀臺望月

問月何時好秋日逢新晴問月何處好靜地饒餘情願
我抗顏走俗狀尋常孤負秋月明偷閒來此招隱地登
臺一望胸懷傾眼前有景足心賞取之造物誰與爭寒
光閃閃耀水鏡零露泥泥涵冰輪疎楊入畫淡秋影高
小雲液草

五

閣拔地低鴻聲芙蓉映水自開落荇藻滿庭交縱橫蘇
玉局張懷民承天夜氣清復清望古遙集與古會最難
得此清閒身嗚乎吾儕安得長此清閒身

鍾吾八景 錄五

宿豫早春

渡江梅柳夢初醒廿四番風計乍經小草迎春先得氣
離離已露一痕青

倉基蓮唱

平湖一望碧如銀雲影天光絕點塵風入菰蒲清欲語
至今猶憶采蓮人

白鹿漁歌

白鹿溪邊一棹輕烟蓑雨笠足平生得魚沽酒渾閒事
欸乃一聲天地清

崑崙清曉

招提隱隱露山隈鶴鼓鳧鐘次第催喚醒世人塵夢覺
晴嵐宿霧一時開

草堰耕雲

侵晨乍起對朝曛堰草連天望不分叱犢有人耕綠野
一犁劃破隴頭雲

和李少白感事述懷元韻

小雲滅草

木

少時豪放氣無前遲爾功名已廿年懸榻懶除三徑草
凌霄竚望九秋天新詩似繭抽仍繹離緒如流斷更連
最是關心初病起臨風懷想用拳拳

和陳西堂見懷短歌

河之北淮之南相思兩地通瑤函淮之南河之北書來
爲我吐胸臆珠璣排字句截金就中發爲長短吟長短
吟別離心離心百結難具陳泠泠彈我七絃琴手揮目
送遙相望願隨征雁落君傍落君傍把君臂懷君慕君
重君義膠漆能固醕能醉思遠道兮不成寐

和少白留別元韻

奮筆抒胸臆猶同食葉蠶風塵增所感世味本來諳過
眼成今古開懷縱笑談蓬山終有路好向此中探
不因占小極那得共晨昏滿壁詩仍在盈尊酒尙存酸
嚼餘瘦骨珍重慰離言小別無多日前期是上元

題少白山閣談詩圖

樓居仙人好巖棲高士宜雲水滌塵垢峰巒生遠思披
圖我悵望卜築子稽遲買山舊有約招隱新成詩長吟
復短嘯甘苦誰人知

感懷

屈指年華近七旬浮沉身事向誰論時衰更與天災會
小雲泥草

七

運蹇偏逢世路屯守業無能同蕩子撫膺有愧對先人
平生怕入庸流輩到此難將志氣伸

白雲軒存稿卷之一

宿遷張偉庚珠南著

天妃閣

洪湖滙巨浸奔流注此間水花翻雪浪晴雷吼瀑泉漕
艘我我來如過虎牙灘竹纜穿碑孔磴旋名蛟關一艘
衝波上邪許百夫牽呀然立峭壁攢篙相排連長年端
持舵萬力使之前往往觸石破一退箭離弦勢危仗神
道出險皆歡顏祿米資正供輓輸何其艱

報恩寺塔

官壺資冥福法王棲大乘象獅牢結構翬鳥忽騫騰遠
白雲軒存稿卷之一

勢盤空闕登臨到上層江流如線繞河漢入闌凭化覺
颺輪速階從天路升濛濛但一氣活活若無憑潮響宣
經唄星輝散佛燈莊嚴見羅漢塔塢悉印佛像頂禮拜遊僧檀
越香朝蒸摩尼珠夜澈不辭竭民力厯劫煥金繩

夢謁岱廟

昨宵我隨赤松子驂鸞上謁青帝宮翠蕤縹緲神府闕
仙靈呼吸天門通五更日浴紅杲杲八極氣動青濛濛
玉几金牀猶在眼盤盤細路白雲封

早行

征衣淨無塵月光如積霰晏息萬戶寂行役傷微賤三

年客京華顰黑改顏面驅車就長途雞鳴徧郊甸人影
落平沙西山雲曳練柳色靜朝嗽流鶯花外轉回首望
長安五雲深可見

風雪赴淮

積雪壓茅茨炊烟冷竈觚昔賢艱負米遊子今首途江
城白皓皓雲樹望模糊寒日淡無光朔風割肌膚鴟鴞
飽腐鼠枯桑棲暮鳥飢聲啼啞啞恐有餓死雛市門散
燈火昏叩主人廬銅盤燒絳蠟美酒傾玉壺笑語終嘉
會顏歡時不愉俯仰乾坤大昂藏七尺軀不受衆目憐
成

日雲軒存稿

卷之一

二

詠史四首

管子天下才生稟冉季姿惜不聞大道功烈遂爾卑五
尺羞稱霸惟有孔孟宜九合力歸仲五禁會溯蔡雖以
賢與聖節取不能訾後人託周禮富強安所施

春秋有曹子仗劍劫盟壇一言反侵地盛氣誰能干俠
風開戰國高歌易水寒不思祖龍譎生劫擬齊桓圖窮
計不就一死謝燕丹將軍悲樊子刎頸餌秦歡有知九
原下汗顏見應難奈何燕趙士猶唱髮衝冠

玉檢煥金泥白雲封中起七十有二君刻石盛號紀管
子始濫觴漢唐踵其軌遂使阿諛臣請封希上旨昌黎

稱大賢鋪張不讓美雖鬱忠愛忱恐導主心侈巡狩柴
帑宗三年考績始康成引緯書經義奪朱紫卓哉著作
郎許愔剖析窮原委聖凡兩無取徒爲後世嘗用以昭
法戒謬謬標青史

梁武窺河洛淮堰乃三築郊原尸枕藉蠅蚋聲相逐不
聞蠲恤詔但聞禮阿育宗廟薦蔬果慈悲及牲頓愛物
根仁民斯理未三復姑息養姦慝遂使國步蹙臺城索
蜜汁佛亦不爲福

有感二首

鳥棲喜林密魚潛畏水清物類求若性蠕動皆有營矧

白雲軒存稿

卷之一

三

人靈於物鑿空出聰明一畫混沌眉百憂從此生習深
天機淺慙逐人事盈安能化血氣無私亦無爭寸心常
耿耿獨不得其平

山岳亦云壽有時而頽傾人非金石質竟與山岳爭豈
不憚艱苦一心萬緒榮莊惠有至樂葆光能達生息機
和天倪太上學忘情

永豐寺梨花

我昔見此樹大抵三尺強

杜

今我復來遊花開繁若霜

素奪梅蕊豔白益鬢毛蒼我時偕吳子

梅

牢落居僧房

溶溶梵宇月懊惱詩人賜利祿豈初願升斗奉高堂浮

名亦何有對花增慨慷穠華盛春賞零落同塵揚感物
有衰謝人事固其常

謁項王墓

峭啞叱咤生風雲渡江而西天下分報楚殄秦啓炎漢
拔山蓋世成殊勲千古霸圖昭日月後之議者徒紛紛
謂王不臣殺卿子一軍能雪六國恥當時不捷鉅鹿軍
天下兵爭未有已謂王殺降何不仁青山至今飛碧燐
豈知虎狼奮長鋌斬又生靈若草芥摧堅陷銳皆爪牙
假手於王四海快謂王不義弑所立鬼神猶應爲王泣
分羹不忍而翁逋害上反蹈春秋誅斧聲燭影留疑案
白雲軒存稿 卷之一 四

我謂漢家無董狐謂王不用老臣計鴻門定策等兒戲
杯酒殺人豈丈夫范增原非王佐器謂王不識執戟郎
坐失英雄走咸陽信不遇何亦去漢寬仁大度徒鋪張
而今興亡棋一局賸有河山秋草綠西風蕭瑟捲白雲
墓門環在萬山曲下馬獨尋人踪稀松濤謾謾野鳥飛
蒼茫短碣含愁立空使行人弔落暉

感遇十首

馳輝無停晷逝川無停波萬物爲芻狗卽事往已多達
者觀物化抱道山之阿小智以心鬪煎膏自焚和誰息
虞芮訟動尋蠻觸戈人生不滿百千歲憂若何委形願

自保老大傷蹉跎

昔遇浮邱公接我蓬萊山仙山弱水外奇境杳塵寰
鏘奏鈞樂排雲列仙班天門開詆蕩雲路快登攀波濤
忽洶湧罡風吹我還方壺隔咫尺霞色何爛爛迴首謝
浮邱仙緣我已慳

旣索胡繩佩又滋九畹蘭采摘動盈把興言貽所歡美
人期不見乃在白雲端蹇修不爲理天路何漫漫睨彼
晨風鳥思飛無羽翰有誰感至精獨耿此心丹

空山四無隣拄杖披荆榛芳蘭秀幽谷盈盈秋意新美
人不見采馨香亦自珍竊悲鷓鴣鳴衆芳摧爲薪無使

白雲軒存稿

卷之一

五

隨物化延竚良苦辛

雙鵲巢庭樹乃在向南枝得地呼羣侶啁啾滿階墀孤
飛有鸞鳳雲表弄逸姿豈無鬱彼林弱條難爲棲丹山
深以阻復值風雪時蒼筤不再實桐子空離離睨彼南
征雁各有稻粱資徘徊翔千仞甘守歲寒饑野鴟獲腐
鼠何事轉相疑

人生隨元化倏如過目鳥皎皎明月輪已較盤古小乾
坤有時息元理誰能了木槿敷丹榮安知大椿老性命
蘊至精修身苦不早

昔有夸毗子誦法借先賢偶緣儒術進要路據已先身

邀金張貴手握許史權珥筆輦與侍鳴珂車馬填前庭
集簪紱後堂羅管絃華燈燦明燭雕俎列綺筵羽觴瓊
漿注吳羹鵲鷗煎美人朱顏醺層波遺視睇齊容起鄭
舞新聲妙且妍歡娛沈日夜富貴若長年鬼瞰高明室
物生盈滿愆翟雀門可羅李犬不復牽福輕莫知稱禍
重伏無端不受天損易無受人益難

眾星如白榆歷歷明蒼昊流輝忽隕落頑然塊石小人
生物精氣神明乃壽考經綸炳世業文章闡至道奈何
徇物化靈府日燔燎尸居豢餘氣零落同腐草誰能卻
五難

向秀難嵇康養生論養生有五難名利不減喜怒
不除聲色不去滋味不絕神慮消散此五難也

白雲軒存稿

卷之一

六

願與守三寶慎汝內外捷神役勿擾擾

結繩易書契文明革狂榛渾沌日以鑿淳樸散其真上
古無制作今亦不椎輪增華極周末變本豈無因難以
東魯聖彌縫不能淳智巧競百出文法密以陳天行有
否泰豈曰匪由人

吾愛建德國寡慾俗自真耕鑿安食飲無懷葛天民老
死不往來安知賤與貧悶悶鴻荒世熙熙武陵春如此
自可樂設施亦何因文勝實不至斯意竟誰陳願觀無
爲治再覩道化醅

山繞彭門出巖腰鑿路平雨來千嶂合日射一峰明嵐
氣侵衣溼雲容傍馬生幽棲堪卜築僕僕愧塵征

登小岱山

西風號古木雲氣忽飛揚登高一以眺萬里莽蒼涼英
雄長已矣懷古爲感傷遊子意不適興言瞻四方

作客五首

存二

軟紅香土豔東華三月長安飽看花翡翠釵痕迷蛺蝶
珊瑚鞭影燦駟駟連衙甲第榮光重麗日樓臺春色賒
夜煖笙歌垂繡幙饑聲城上噪寒鴉

四海無家餘故劍三春有淚點征衣斂錢昏阮貧何病

白雲軒存稿

卷之一

七

作客依劉計已非頭上青雲看鳥過眼前紅雨亂花飛
韶光九十蹉跎盡桃李成陰草色肥

顧霽岩過訪話舊晚乃別去掩關兀坐四壁蟲聲

一燈如豆感賦四首

日暮松關掩花深月上遲空堂掠蝙蝠暗室鎖葳蕤華
髮流年感青山壯士悲故人勞問訊重與話襟期
草堂客初去新月映庭柯幾點流螢度一聲宵鴈過天
寒憐袖短身賤覺恩多繡盡囊中劍乘時發浩歌

白日侵人去秋風起客思空庭吟蟋蟀冷月靜杳思有
夢懷知己無才答

聖時鄉園驚歲晚花事又東離

檻外花飛盡天邊鳥數過風塵仍落拓歲月半銷磨小
劫龍華重三生鹿夢多阿誰能解脫長嘯破愁魔

虞姬墓

英雄喚奈何蛾眉泣斷首姬能死王姬不朽不觀昔爲
楚囚今國母氣燄高張吞劉後千秋尙遺中葦醜九原
石知顏應怵

別家怨

明河尙在天殘燈耿房幃行李戒僕夫門外停驂驂遲
遲去桑梓惻惻離庭幃顯揚博祿養方歎絕裾非出門

白雲軒存稿

卷之一

六

何惘惘稚子牽我衣丈夫四海撫

成

八口常苦飢及時

規進取每爲識者譏况以倣世骨詎堪爲人譏靡靡卽
長途林表明曙暉

東平州

青山橫郭簇雲峰山盡溪迴見雉墉饗士堂前春水漫
安民亭外野花濃文章尙說劉公幹宦跡曾傳阮嗣宗
我亦窮途嗟未達雪泥鴻爪暫留踪

滕縣

有文公問井田處

古廟斜陽裏殘碑傍野滕井曾當日畫邑尙舊名仍求
治封無小尊賢道可憑圖存非易易仁政到今稱

高唐州

豈有聲相繼我來空復情高歌能化俗一藝足成名齊
右風猶古長途客晚征平疇斜落日墀影認孤城

有一老翁

一官龐面濃鬚眉赤旗前導後擁騎輿服光爛僕騎恣
紛紛行人爲趨避有一老翁憇路隅欲爲予言先歔歔
若翁本是湖海商當年南都會列肆嘗言有子不克家
十五僅識之無字走馬鬪雞恣所爲冶遊年少相親比
誰知別來未十年一旦致身青雲地生平不事詩與書
多半黃金買身貴賤子飄泊走風塵故人有子喜且媿
白雲軒存稿卷之一

九

袖中懷刺不敢投竊恐近前貴人異

除夕感懷

衡門風景通年除爆竹飛聲溢市閭百歲光陰蛇赴壑
千金消息鴈傳書隨身詩卷成良友傍戶梅花憶舊廬
留滯天涯緣底事辛盤臘酒又春初

天津

風景近

皇州人家萬戶稠地連滄海關日落潞河秋
鹽通夷市魚鹽聚客舟巖壑資重鎮擊柝聽庚郵

荏平